



Ekipa AA ho sira nia Komisáriu foun

Formasaun kona-ba PPO Rejime Formasaun no Avaliasaun (RFA) ba Funisionariu AA.

USAID/Timor-Leste nia Atividade Governasaun Komérsiu ajuda AA hodi fornese formasaun komprehensivu kona-ba Padraun Prosedimentu Operasionál (PPO) ba Rejime Formasaun no Avaliasaun (RFA). Hahú husi loron 19-23 Agostu 2024, funisionariu AA hamutuk na'in 100 (mane 65, Feto 35) mak partisipa ona iha sesaun ne'ebé dezeña atu haberan AA sira nia

abilidade, promove progresu kareira, no introdúz avaliasaun dezempeñu bazeia ba servisu espesífiku KPI nian. Formasaun ne'e inklui teste pre- no pos nian hodi bele sukat kompriensaun husi partisipante, iha ne'ebé partisipante sira mós hatudu sira nia envolvimentu no antusiasmu ne'ebé aas kona-ba sistema bazeia ba méritu, ne'ebé promove transparénsia no dezvoltamentu pesoál nian.



Partisipante ba Formasaun OPP-RFA durante sesaun

Enkontru Komité Konsultivu Alfândega no Komérsiu (KKAK-CTCC)

Iha loron 8 Agostu 2024, Sekretariádu AA ba Komite Konsultivu Komérsiu no Alfândega. (KKAK-CTCC) organiza ninia enkontru trimestráil iha Kuartél Jerál AA, iha Salaun Lasama. Sesaun ne'e halibur membru AA, organizaun komérsiu nian sira, no representante prinsipál sira husi ajénsia governu ne'ebé involu'e iha atividade importasaun no esportasaun. Diretór Nasionál ba

Jestaun Konformidade Alfândega, Sr.Ivo Gomes, apresenta prosedimentu ne'ebé atualizadu iha Portu Tibar, inklui implementasaun sistema foun "epayment" ba impostu alfândega nian. Sr. José Alfalino husi Ministériu Agrikultura ko'alia kona-ba prosedimentu karantina nian ba Aihan no Animal sira. Sesaun refere identifika dezafiu ba konformidade nian, liu-liu ba prosesu manual sira, no hadi'ak esforsu kolaborativu entre ajénsia oioin hanesan Ministériu Transporte no Komunikaun.

Tomada de Posse ba

Komisáriu Foun AA

Iha loron 16 Setembru 2024, Ministra Finansas, S.E. Santina José Rodrigues, ofisialmente fó Tomada de Posse ba Sr. Joánico Pinto nu'udar Komisáriu foun AA iha prezensa Primeiru Ministru S.E.Kay Rala Xanana Gusmão. Sr. Pinto deklara ninia prioridade sira, inklui hametin

operasaun iha rai maran, hasa'e efisiénsia, no hasa'e koleasaun reseita ba Estadu. Sr. Pinto nia lideransa sei foka ba harii kapasidade institusionál no rezolve lakuna estrutural sira liuhusi prosesu rekrutamentu foun sira.

Parabéns ba Sr. Pinto tanba lidera AA ba iha era foun ida.

Enkontru Mensál kona-ba Jéneru (EMJ): Jullu - Setembru 2024

Iha prosesu atu promove igualdade jéneru no empodera feto, AA realiza ona Enkontru Mensál Jéneru nian dala tolu iha fulan Jullu, Agostu no Setembru. Ho asisténsia husi USAID/Timor-Leste nia Atividade Governasaun Komérsiu, funisionariu AA involu'e iha sesaun interaktivu ne'ebé kobre senáriu sira igualdade

je'neru nian husi plataforma online Organizaun Mundiál Alfândega (OMA) nian. Iha Totál partisipante hamutuk na'in 40 (feto 29, mane 11) maka partisipa ona, fahe sira nia esperiénsia pesoál no esplora maneira sira atu hato'o estereotipu jéneru nian iha servisu fatin. Sesaun sira ne'e hatudu komitmentu husi AA nian ba inklusividade no haforsa ambiente servisu ne'ebé sensitivu ba jéneru.



Partisipante EMJ halo interasaun durante sesaun